



Dont betek Brest

Daoust m'emañ kornôg Breizh e penn ur c'hourenez ez eo aes a-walc'h al liammoù ouzh ar peurrest eus Frañs hag ar broioù all. Ouzhpenn-se e vezer atav o lakaat an traoù da vont war wellaat evit a sell ouzh ar c'heit ma pad ar beajoù hag ouzh aesaat an hentoù war-zu kornôg Breizh pa loc'her eus ar c'hreizennoù pennañ e Frañs pe en Europa.

Ar pezh a zo da c'houzout war an doareoù da zont betek beg Breizh :

- Ur rouedad hentoù a-zoare, ennañ ur rouedad hentoù-tizh (adalek Roazhon ha Naoned) a c'heller ganto bezañ liammet ouzh an takadoù poblet stank en Europa,
- Liammet eo ouzh an aerborzhioù pennañ en Europa (Pariz, Lyon, Marsilha, Lille, Bourdel, Londrez) dre aerborzh Brest-Breizh,
- Deservijet eo gant al linennoù hent-houarn, ha dreist-holl al linennoù tizh bras emeur o wellaat gant ar raktres Breizh Tizh Bras, evel-se e vo lakaet 3 eur 08 da vont eus Kemper pe Brest da Bariz e 2017, goude-se e vo klasket diskenn betek 3 eur.



Dont gant an tren

Dek gwech bemdez e ra an TTB Atlantel al liamm etre Pariz ha Brest (etre 4 eur ha 4 eur 26 hent hiziv an deiz, 3 eur 08 a-benn 2017 pa vo graet al linenn tizh bras da zont). Gant al linennoù Tren Herrek Rannvroel a zo anezho linennoù a galite hag a dremen stank, emamp gant ur rouedad rannvro hag a zo e-touez ar re a vez darempredet ar muiañ e Frañs.

Dont gant ar c'harr-nij

Tremen a ra tost d'ur milion a veajourien en aerborzh Brest-Breizh bep bloaz, gant-se eo an aerborzh kentañ e Breizh. Bemdez ez a kuit kirri-nij ac'hano da vont war-zu an aerborzhioù pennañ e Frañs (Pariz, Lyon, Marsilha, Bourdel, Lille, Tolosa, Nisa) hag hini Londrez. Eno e kaver ivez beajoù dre charterioù, nijadennoù vakañsoù, liammoù eeun war-zu ur pemzek bro bennak.

Un aerborzh etrebroadel eo Brest, gant-se e c'haller ac'hano mont buan war-zu kêrioù bras pennañ Europa : Pariz (Orly ha Roissy), Lyon, Marsilha, Nisa, Toulon, Bourdel, Brusel, Barcelona pe Londrez gant ar c'hompagnunezhioù-aer a zo e Brest : Air France (a zo enni Brit Air ha City Jet), Flybe, Chailair, EasyJet, Finist Air, Ryanair, Jetairfly, Vueling.

Dont dre ar mor

Gellout a reer dont da Vrest dre ar mor gant linennoù a dremen dre borzh Rosko (65 km eus Brest). Eno emañ ar gompagnunezh Brittany Ferries hag a ra war-dro linennoù evit beajourien war-zu Bro-Saoz (Plymouth), Iwerzhon (Corcaigh) ha Bro-Spagn (Bilbao).



BreizhGO.com ↗

Dernière mise à jour le : **24 octobre 2018**

Brest
MÉTROPOLE & VILLE

HÔTEL DE METROPOLE

24, rue Coat-ar-Guéven - CS 73826
29238 BREST CEDEX 2
Tel. : 02 98 33 50 50
www.brest.fr

Accueil téléphonique :
02 98 33 50 50
Lundi au Vendredi : 8h-18h
Samedi : 8h30-12h30

HOTEL DE VILLE DE BREST

2, rue Frézier - CS 63834
29238 Brest cedex 2
Tel. : 02 98 00 80 80
www.brest.fr

Accueil téléphonique :
02 98 00 80 80
Lundi au Vendredi : 8h-18h
Samedi : 8h30-12h30